

مجموعه آثار آیت الله العظمی

❀ ادبی و سیاسی رساله‌ها و اسبوعیه در ❀

۳۱ نجفی سنه

۱۱ ربیع الاول ۱۳۳۰

❀ پنجمین ❀

جزء و عدد : ۱۳۵

اعاجیب دهردن

بروقه

۲۳ شباط افرنجی تاریخیه کچن جمعه کونی نشر اولان (اقدام) ده فقره آتیه

مندرج بولنیوردی .

رومان (نوبه فرایه پرده) غزنه سنه بیلدیریلور :

« سلاتیکلی آووقات سالمه افندی (!) رومایه مواصلت ایشدر . موی الهک حکومت عثمانیه طرفندن برما موریت مخصوصه ایله کلدیکی یولنده کی شایعات خلافتده اوله رق ، سالمه افندی غزنه لره وقوع بولان بیاناتنده حکومت عثمانیه طرفندن هیچ برما موریت رسمیه یی حاکم اولدیغنی و بونی هرکس بیلسی لازم کلدیکی و ورودندن مقصد سلاتیک بانگرلرندن مودیانو و آلائیینی مؤسساتک محاربه ائناسنده دوچار اولدقلری مضایقه مالیه حسابیه ایتالیان بیاسه سنک معاونت مالیه سی طلب ایشکدن عبارت بولندیغنی بیان ایشدر .

آووقات سالمه افندی خارجیه ناظری مارکی دی سان جولیانو ایله یاریم ساعت قدر ملاقات ایشدر . (?)

(تریبون) غزنه سی آووقاتک مذکور بانه نک احوال مالیه سی حقنده مارکی دی سان جولیانو به برخطره وردیکی (!) ظن ایدبور .

سلاتیکلی آلائیینی و مودیانو افندیلر دخی روماده بولنقده درلر .
آووقات سالمه افندی درسعادته هرشیثک ساکن اولدیغنی (وبتا) غزنه سنه بیان ایشدر .

طین غزنه سی ۸ ربیع الاول تاریخی بازار ایتسی نسخهنده

ایتالیانلرک صولک قهرمانلغی

عنوانیه یازدیغنی بند مخصوصک خاتمه سنده حکومتک مرتبه افراطی بولان حزم واحتیاطی حقنده افادات آتیه سرزنشکارانه سیله وظیفه حیثی ایفا ایدبوردی :
« ایتالیا تبعه سنک مملکتتمزده آرتق یری قالمامشدر . بز بونی تابدايت

حربده ایسته‌دک . اصرار ایتدک . فقط حکومت بر طاقم حکمتلر دوشونهرک
بو ندیری تطبیق ایتدی . اعتراف ایدرز که بودرین حکمتلره بزم عقلنر ابرمیور .
وافکار عمومی عثمانیه‌ده ، بویله عادی و قبه بر دشمنه قارشی بو قدر علو جنسابه
لزوم کورمیور .

حکومت ، بتون سوریه‌ده کی ایتالیا نلری طرده قرار ویرمشدر . فقط بوقرار
بتون ممالک عثمانیه‌ده کی ایتالیا نلرده تشمیل ایدلملیدر . عثمانیلر پک صبوردر .
فقط خلقک تحمیلله ، صبر و سکونیلله حکومت بوقدر اویناماسه دها موافق اولور .
ظن ایدرز .

ملاحظه من

اوسته ساله‌مک عن اصل سلا نیکی بر موسوی اولوب بالاخره ایتالیا تابعیتته
کیردیکنی و بوراده بولند قچه ابلیس ضلیل کی عروقه حلول ایلدیکی اکا بردن
استراق ایتدیکی سرار سیاسی منسوب و منتمی بولندی طرفه اخبار و ابلاغ
ایده جکنی . و صدر معظم حضرتلرینک مجلس مبعوثان کرسیسند :
خارجدن کلان ایتالیا نلری ده قبول ایتمیورز ؛ آنلرک پساپورطلرینی ویزه ایتماک
ایچون سفر امزه ، شهندر لرمزه امر ویردک ! « دبدکری گون بو اوسته ساله‌مک
سرکه چی غارنده شمند و فردن چیقهرق سلمه السلام عرض اندام ایلدیکنی و غلطه
و بک اوغانده کار و کردار یله اشتغال ایتمکده اولدیغنی ۲۵ ذی القعدة ۳۲۹ تاریخی
۱۲۱ نجی نسخه مزده خبر ویرمش ایدک .

ایشته شمدی سینور ساله‌م ایتالیا ده بولنیور ؛ و کویا بر مؤسسه مالیه نامنه
ایتالیا بورسه سنک مظاهرت مالیه سنی طلب ایدور .

حال بوکه برخارجیه ناظری ایل بر مؤسسه صرافیه آووقاتی آره سند نه مناسبت
متصوردر ؟ بو مناسبت ، ایتالیا تابعیتده بولسان مودیانو و آلاینی نام شخصلرک
خصوصات مالیه لری طولایسیله ، اولسه اولسه ایتالیا مالیه ناظریله اوله بیلیر . یعنی

اوسته ساله‌م و کیلی اولدینی بانقه ایشلری نامنه ایتالیا مالیه ناظرینه مراجعت ایدر .
هر حالده خارجیه ناظریه ملاقات ایده‌من .

اڭ غریبی کندیسنڭ : « بن حکومت عثمانیه طرفدن هیچ بر مأموریتی حائز
دگلم . بونی هر کسڭ یلسی لازم کلیر . » قولیه غزنه‌لره اعلان ویرمسیدر، که
بو انکار معنیدار ، کندیسنڭ حکومت عثمانیه نام و حسابنه سیاحتلر ، ملاقاتلر
اجرا ایتمکده اولدینی - دیپلوماجه - اعلان و اخطاردر .

بکلیه‌لم ! اوسته ساله‌م ، مظهر صحابت و مظاهرتی اولدینی هم عیارلر ایله ملاقی
اولمق اوزره قریباً عودت ایدر .
شوراسنی ده اونوتیه‌لم !

اوسته ساله‌م ، (دیتا) نام ایتالیان غزنه‌سنه : « درسعادته هر شی سکون تام
حالنده در . » دیمشدر .

عجبا درسعادتنڭ بو سکوتی بیاندن سینور ساله‌مک مقصدی ندر ؟ اندیشه
استقبال ایله ایتالیانلری مایوس ایتماک ، یعنی بو صبر و سکوندن آنلری امید وار
ایتمکیدر ؟

بسله قارغینی که کوزیڭکی اویسون

مثلی بو کبی تمسکهراملر حقنده ضرب اولنور امثالنددر . مع مافیہ بز قارغه‌دن
دها مضر اولان بو و امثالی بیلانلری دها پڭ چوق زمان سینه‌مزده بسله‌مکله
مرؤت حماقتکارانه‌مزی عالمه گوستره‌جکزر .

طنین غزنه‌سی بیک فریاد شکایت و مجموعه ابوالضیا آنی تأییداً ایراد حکایت
ایتسه کیمسه قولاق آصمیه‌جقدر . چونکه :

صبر و سکون مسلکمزد که ایله‌من
بیک طوپ آتله کونده تخلف دها‌بمز

